

聖廟祀典圖考

三卷

聖廟祀典圖考

先賢林子放像



林子 放字子邱魯人或曰孔子門人自魯論問禮一事外
他無所攷按泰安郡志崇禮鄉有放城集相傳爲林放故里
乾隆己卯掘地得古碑字畫俱已磨滅隱隱見林放及唐太
和二年數字放城集舊名放城鎮在郡城東南百八十里唐
開元二十七年從祀贈清河伯宋大中祥符二年封長山侯
明嘉靖九年議正祀典以家語史記俱不載弟子列改祀于
鄉

國朝雍正二年奉

旨復祀稱先賢林子

西廡第一

宋高宗贊 禮之有本子能啟問大哉斯言光昭明訓德輝
泰山誣祭莫奮崇茲祀典盍永令聞

泰山

宋高宗

身臨

西海

東

南

北

中

外

先賢宓子不齊像



宓子 不齊字子賤魯人少孔子三十歲古本家語云四十歲史記云四十九歲爲單父宰身不下堂鳴琴而治巫馬期亦宰單父以星出以星入日夜不處以身親之而單父亦治巫馬期問於子賤子賤曰我任人子任力任人者佚任力者勞人謂子賤則君子矣所著書有宓子十六篇一統志葬鳳陽府壽州東南六十里舊有碑云爲魯使吳卒于道因葬焉按李涪說不齊姓處作宓者非顏氏家訓曰子賤卽處犧之後史記列傳作密不齊密與宓古同字後漢書伏湛傳說濟南伏生卽不齊之後處犧字又作伏是伏與處又古字通也唐開元二十七年從祀贈單伯宋大中祥符二年封單父侯明嘉靖九年改稱先賢宓子

西廡第二

宋高宗贊

君子若人單父之政引肘寤君放魚鼈令傳郭勿獲遂能制

命百代理邑用規觀政

一作善行

先賢公冶子長像



公冶子 長古本家語作萇范甯曰名芝字子長

白水碑作子之家語云魯人史記云齊人爲人能
忍恥孔子以女妻之一統志葬琅邪姑幕東南五
里唐開元二十七年從祀贈莒伯宋大中祥符二
年封高密侯明嘉靖九年改稱先賢公冶子

西廡第三

宋高宗贊 子長宏度高出倫輩雖在縲紲知非
其罪純德備行夫子所采以子妻之尤知英槩

先賢公皙子哀像



公皙子 哀史記索隱作尅又本作克字季次齊
人家語字季沉魯人讀書懷獨行君子之德義不
苟合當世鄙天下多仕于私家者故終身未嘗屈
節人臣空室蓬戶褐衣蔬食不厭孔子賢之唐開
元二十七年從祀贈鄖伯宋大中祥符二年封北
海侯明嘉靖九年改稱先賢公皙子
西廡第四位
宋高宗贊 周衰僞隆政在羣公廉恥道微家臣
聿崇不爲屈節撝默自容子于是時凜然清風

先賢高子柴像



高子 柴字子羔禮記作子臯左傳作季羔家語作子畢齊大夫高傒十代孫也史記鄭康成俱作衛人少孔子三十歲古本家語作四十歲長不過六尺狀貌甚惡然篤孝而有法爲成宰成人化之又爲衛士師別人之足俄而衛有蒯瞶之亂子羔走郭門別者守門焉謂子羔曰彼有缺子羔曰君子不踰又曰彼有竇子羔曰君子不隧又曰於此有室子羔入追者罷子羔將去謂別者曰吾不虧主之法而親別子之足今吾在難正子報怨之時而逃我者三何哉別者曰斷足固我之罪曩者君治臣以法臨當論刑君愀然不樂君豈私臣哉天生君子其道固然此臣之所以脫君也孔子聞之曰善哉爲吏其用法一也思仁恕則樹德加嚴暴則樹怨公以行之其子羔乎一統志葬嶧縣東五十里故蘭陵城北唐開元二十七年從祀贈共伯宋大中祥符二年封共城侯明嘉靖九年改稱先賢高子西廡

第五

位

宋高宗贊 婉彼子羔受業先聖宗廟之間一出
乎正克篤于孝非愚乃令師知其生有輝賢行

先賢樊子須像



樊子 須字子遲齊人少孔子三十六歲家語魯人少四十
六歲少仕于季氏齊伐魯及清冉求帥左師子遲爲右季孫
曰須也弱冉求曰年雖少能用命焉戰于郊齊師自稷曲師
不踰溝子遲曰非不能也不信子也請三刻而踰之如之衆
從之按白水碑謂須字子達遲字子緩分爲二人未知何據
王符說樊姓有二姬姓仲山甫之後以邑爲氏者也又商人
七族樊氏之後唐開元二十七年從祀贈樊伯宋大中祥符
二年封益都侯明嘉靖九年改稱先賢樊子西廡第六位
宋高宗贊 養才以道聖人兼濟始謂非仁問辯良喜寓志
農圃似睽仁義學稼之辭豈姑舍是

先賢商子澤像



商子 澤字子季家語字子秀魯人唐開元二十

七年從祀贈睢陽伯宋大中祥符二年封鄒平侯

明嘉靖九年改稱先賢商子

西廡第七位

宋高宗贊 邈矣子季睢陽是伯屏息受業延教

登席未踐四科固涉六籍祀典載之好是正直

先賢梁子鱣像

